

tutandas, legati extra ordinem, qui tamen supremo Donati imperio parerent, missi; Andreas Gabriellus Bergomum, Joannes Nanius Cremam, quo etiam Annibal Gonzaga, qui militiæ præesset, ex Mantuano vocatus; Bergomi Petrus Antonius Godius, Vicetinus, aderat. Quatuor insuper peditum millia adjicerentur, latum: ut præter urbium atque arcium custodias, Italorum peditum septem ex Istria ac Dalmatia evocatorum tria millia recenserentur, bina Helvetiorum, totidem Gallorum ac Lotharingorum millia in itineris procinctu essent. His addebantur ex ordinibus qui pugnacissimi, imprimisque ad ferreas fistulas tractandas exercitatissimi habebantur, quatuor ac viginti millia; cataphractorum vero equitum quingenti, Græci totidem: his & hostium sustineri impetus, & arces defendi posse videbatur, cum præsertim situ, munitione, annona ad oppugnationem vel obsidionem sustinendam pares essent. Unanimi enim insignium militiæ præfectorum consensu, ad Bergomum tantum invadendum, septuaginta millium copiæ vix sufficere censebantur; ad pleaque vero conficienda, cum imprimis pecunia opus esset, neque augeri vectigalia, neque subjectis eam imperare placuit; ex erario publico est deprompta. Bergomum aureorum quinquaginta millia, totidem Brixiam, Veronam ducenta millia a Marco Antonio Pisano devehi jussum; qua proficisceretur plaudentibus populis, quod nihil ad eorum tutelam a Senatu prætermitteretur. Inde civitates non modo atque oppida, sed privati etiam certatim Reipublicæ opem offerre; nonnulli suis impensis vel peditum vel equitum numerum exhibere; alii cum amicis & obæratibus clientibus suis operam deferre; quidam privatam pecuniam in publica militum stipendia polliceri. Legatus interea arces invisere, copias lustrare, milites labori assuefacere, ex ordinum quatuor millibus electis, qui pro nutu quocumque jussisset convenirent. Joannis Baptistæ Montii, Francisci Martinengii in muneribus suis obeundis par laus industriæ.

Ceterum Marci Venerii extra ordinem legatio parum Clementi grata fuisse videbatur, vel quod argui se negligentiam in pontificio munere administrando suspicaretur, vel quod inde occulta, ambitionis plena, concordiaque adversa consilia

1601

Andreas
Gabriellus,
& Joannes
Nanius
Bergomum
& Cremam
legati mis-
suntur.

Pecunia
Venetis in
continentis
urbes mis-
sa.

Venatorum
subjecti ad
Reipublicæ
opem feren-
dam pro-
pensi.